

Lan-eskaintzen erregistroa 2020ko urrian

ERREGISTRATUTAKO LAN-ESKAINZA KOPURUA

2020ko urrian Euskal Autonomia Erkidegoko enplegu-bulegoetan erregistratutako lan-eskaintzen kopurua 1047 izan da, irailean baino 225 gehiago eta joan den urteko urrian baino 777 gutxiago. Egunean bataz bestez 49 eskaintza erregistratu dira, aurreko hilean baino 12 eskaintza gehiago egunean. Hilabete honetako datuak ezin dira ulertu Covid-19ak sortutako pandemia kontuan izan gabe.


• LURRALDE HISTORIKOAK

Kudeaketako Administrazio Unitatearen (KAU) lurralde historikoari erreparatuz, 2020ko urrian 120 lan-eskaintza erregistratu dira Araban, 333 Gipuzkoan eta 594 Bizkaian. Lan-eskaintzen % 56,7 Bizkaiko KAUetan erregistratu dira, % 31,8 Gipuzkoan eta % 11,5 Araban.

Aurreko hilabetearekin alderatuz, Araban % 3,2 murriztu dira eskaintzak (4 eskaintza gutxiago), Gipuzkoan eta Bizkaian, aldiz, igo egin dira eskaintzak; % 1,8 Gipuzkoan (6 eskaintza gehiago) eta %60,1 Bizkaian (+223 eskaintza).

Aurreko urteko hilabete berberarekin alderatuz, Araban 224 eskaintza gutxiago erregistratu dira, % 65,1eko murrizketa; Gipuzkoan eskaintza kopurua 240ean jaitsi da, % 41,8ko murrizketa, eta azkenik, Bizkaian 313 eskaintza gutxiago izan dira, % 34,5eko murrizketa.

Eskaintzaren Lurralde Historikoa



• LAN-ESKAINZAKO LANBIDEA

Bost lanbide-profilek biltzen dituzte EAEn erregistratutako lan-eskaintza gehienak. 4 eskaintzeko 1, zientzia teknikarien lanbide-profilerako erregistratu dira (260 eskaintza); eta, 5 eskaintzeko 1, industrian (205 eskaintza). Laguntza teknikarien, lanbide ez kualifikatuen eta zerbitzuen lan eskaintzak, ere, pisu nabarmena dute; 177, 124 eta 114 eskaintza erregistratu dira, hurrenez-hurren. Lan-eskaintza gutxien erregistratu diren profilak zuzendarienak eta lehen sektorekoenak izan dira, 7 eta 19 eskaintza, hurrenez hurren.


Aurreko hilabeteko datuekin alderatuz, profila gehienak hazi dira. Balore absolutuetan, zientzia teknikariena izan da, 94 eskaintza gehiago (% 56,6ko hazkundea); balore erlatiboetan, aldiz, lehen sektorekoena izan da, % 111,1eko igoera (10 eskaintza gehiago). Beste muturrean aurkitzen da zerbitzuetako profila, murriztu den gutxienetako izan da; 4 eskaintza gutxiago (-%13).

Urte arteko saldoari erreparatuz, eskaintza guztiak jaitsi dira. Balore absolutuetan, zientzia teknikarien eskaintzak izan dira gehien murriztu direnak (166 eskaintza gutxiago, % 39ko murrizketa). Balore erlatiboetan, aldiz, zerbitzuetako profila izan da (%56ko jaitsiera, 145 eskaintza gutxiago).

Lan-eskaintzen erregistroa 2020ko urrian

• K O N T R A T U M O T A


Erregistratutako lan-eskaintzen % 9,1ek kontratu mugagabea eskaini dute; % 90,5ek, aldi baterakoa, eta, gainontzeko % 0,4k, merkataritzakoa. Balio absolutuetan, kontratu mugagabeen eskaintzak 95 izan dira, 13 gutxiago aurreko hilabetearekin alderatuz, %12ko murrizketa. Aldi baterako kontratuak eskaini dituzten 240 eskaintza gehiago erregistratu dira: 948 eskaintza izan dira guztira. Kopuru erlatiboetan hazkundea % 33,9koa izan da. Azkenik, merkataritzako kontratuen eskaintzak 2020ko urrian 4 izan dira, aurreko hilean baino 2 gutxiago.



Urte arteko saldoari dagokionez, kontratu mugagabeen eskaintzak 78 gutxiago izan dira (%45,1eko murrizketa), aldi baterako kontratuen eskaintzak % 42,3 murriztu dira; 695 eskaintza gutxiago, eta, merkataritzako kontratuak, aldiz, erdira jaitsi dira (8tik 4ra).

• E S K A T U T A K O E S P E R I E N T Z I A - D E N B O R A

2020ko urrian erregistratutako lan-eskaintzen 3 laurdenek (790 eskaintza, %75,4) 0tik 6 hilabetera arteko esperientzia minimoa eskatzen dute. Eskaintzen % 10,5ek (110 eskaintza) esperientzia-denbora luzeagoa eskatzen du, 6 hiletik 12ra artekoa. Portzentaia txikiagoak dituzte esperientzia-denbora luzeagoak eskatzen dituzten eskaintzek; 3 urtetik 5 urtera eskatzen dutenek % 2,8ko pisua dute (29 eskaintza) eta 5 urtetik gorako kasuan, aldiz, 11 eskaintza izan dira hilabete honetan (%1,1).



Hilabete arteko eboluzioari dagokionez, eskaintza mota guztiak hazi dira. Gehien hazi direnak, balore absolutuetan, 0 eta 6 hilabete arteko esperientzia eskatzen dutenak izan dira (182 eskaintza gehiago, % 29,9ko hazkundea); aldiz, balore erlatiboetan, 5 urtetik gorako esperientzia denbora eskatzen dutenak dira gehien hazi direnak (% 266,7, 8 eskaintza gehiago).


Urte arteko eboluzioari dagokionez, bilakaera ondorengoa izan da: eskaintza guztiak murriztu dira 5 urtetik gorako esperientzia denbora eskatzen dutena izan ezik (hauek 2 gehiago erregistratu dira). Gehien murriztu diren eskaintzak 0 eta 6 hilabete arteko esperientzia eskatzen dutenak izan dira balore absolutuetan (608 eskaintza gutxiago, % 43,5eko murrizketa); balore erlatiboetan, aldiz, 6 eta 12 hilabete arteko esperientzia eskatzen dutenak izan dira (% 51,5eko murrizketa, 117 eskaintza gutxiago).

Erregistratutako eskaintzek, batez beste, 9 hileko esperientzia eskatzen dute.

Lan-eskaintzen erregistroa 2020ko urrian

• LANALDI MOTA

Analisiarekin hasi baino lehen, esan beharra dago ez dutela erregistratutako eskaintza guztiek zehazten zein izango den lanaldi mota: soilik eskaintzen % 17,5ek zehazten du datu hori (1047 eskaintzetatik 181). 181 eskaintza horietatik, 136 lanaldi osoa eskaintzen dutenak izan dira, eta, gainontzeko 47k, lanaldi partziala eskaini dute.



Eboluzioari dagokionez, lanaldi osoko eskaintzak 32 gehiago izan dira irailarekin alderatuz, hau da, % 30,8 hazi dira. Lanaldi partzialeko eskaintzak 3 gehiago izan dira; hazkunde erlatiboa % 51,6koa izan da.

Aurreko urteko hilabete berberarekin alderatuz, eboluzioa hurrengoa da: lanaldi osoko eskaintzak 64 gutxiago izan dira (% 32ko murrizketa), eta lanaldi partzialeko 21 eskaintza gutxiago erregistratu da (% 30,9ko murrizketa).

• ALDI BATERAKO LANERAKO ENPRESAK (ABLE)


Hil honetan 7 lan eskaintza kudeatu dira ABLEn bitartez, aurreko hilean 2 izan ziren eta 64 iazko urrian.

• ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 75,8k ez du zehazten zein den eskatutako prestakuntza maila minimoa: 1047 eskaintzetatik 253k soilik zehaztu dute.

253 eskaintza horietatik, 106k LHko prestakuntza maila eskatu dute (% 41,9); eta beste 91k unibertsitateko ikasketak. Ondoren, oinarritzko ikasketak eskatzen dituztenak daude 45 eskaintzekin. Azkenik, batxilergoko ikasketak eskatzen dutenak daude (11 eskaintza).

Eskatutako gutxieneko prestakuntza maila



Hilabete arteko erlazioari erreparatuz, hazi egin dira eskaintza mota guztiak. Gehien murriztu direnak, balore absolutuetan, unibertsitateko prestakuntza maila eskatzen dutenak izan dira (52 eskaintza gehiago, % 133,3ko murrizketa). Aldiz, balore erlatiboetan, oinarritzko prestakuntza maila eskatzen dutenak izan dira gehien hazi direnak (% 221,4ko hazkundera, 31 eskaintza gehiago).

2019ko urriarekin alderatuz, eskaintzak mota guztiak murriztu dira. Gehien murriztu direnak, balore absolutuetan, unibertsitateko ikasketak eskatzen dituztenak izan dira (55 eskaintza gutxiago, % 37,7ko jaitsiera). Batxilergoko ikasketak eskatzen dituztenak izan dira, aldiz, bilakaera okerrean eduki dutenak balore erlatiboetan (%57,7ko jaitsiera, 15 eskaintza gutxiago erregistratu dira).

• ESKAINTZAREN JARDUERA

EAEko enplegu-bulegoetan erregistratutako lan-eskaintzen kopuruari dagokionez, gehien nabarmentzen den jarduera administrazio publikokoa izan da; honen pisua eskaintza guztien %27,9koa izan da (292 eskaintza). Nabarmentzeko beste jarduera batzuk aisialdia eta manufaktura-industria izan dira, eskaintzen %13,5 eta % 9,4eko pisuarekin (141 eta 98 lan-eskaintza, hurrenez hurren).

Aurreko hilari erreparaturaz gero, gehien hazi diren eskaintzak administrazio publikokoak izan dira (239 eskaintza gehiago, % 450,9ko hazkundea). Murrizketa haundiena jasan dutena, aldiz, eraikuntzakoak izan dira; 37 eskaintza gutxiago eta %34,1eko jaitsiera.

Urte arteko saldoari erreparaturaz, eskaintza guztiak jaitsi dira zerbitzuetakoak izan ezik; hauek 12 eskaintzatan hasi dira (%9,3ko hazkundea). Eboluzio okerrean pairatu duten eskaintzak, balore absolutuetan, administrazio publikokoak izan dira (152 eskaintza gutxiago, % 34,2ko murrizketa), balore erlatiboetan, aldiz, aisialdiko jarduerakoak izan dira (% 78,6ko murrizketa, 22 eskaintza gutxiago).

Eskaintzaren jarduera

